

## NOTA MAKLUMAN 2

### MENGENAI KES KEBAKARAN HUTAN BELUKAR DI KG. DURIAN GULING, MARANG, TERENGGANU DARUL IMAN

PADA 21 APRIL 2016

#### TUJUAN

Nota Makluman pertama telah dihantar pada 22 April 2016 dan Nota Makluman kedua ini adalah untuk memaklumkan hasil siasatan susulan kes kebakaran hutan belukar di Kg. Durian Guling, Marang, Terengganu yang dikesan oleh pasukan rondaan JAS yang sedang membuat rondaan dikawasan tersebut pada 21 April 2016.

#### LATARBELAKANG

2. Aduan ini pertama kali dikesan hasil aduan oleh penduduk Kg Durian Guling kepada pihak JAS Terengganu pada **17 April 2016**. Lokasi kebakaran hutan belukar ini adalah di kedudukan Long.: 103.094211° dan Lat.: 5.181171°. Kawasan belukar yang terbakar pada ketika itu adalah lebih kurang 1.74 Hektar. Kawasan hutan belukar yang terbakar ini bersebelahan dengan kebun kelapa sawit kepunyaan penduduk kampung. Siasatan awal mendapati lokasi kebakaran ini **bukan bertanah gambut**.

#### PERKARA-PERKARA YANG HENDAK DIMAKLUMKAN

3. Siasatan Pada 23 April 2016

- (i) Kawasan yang masih terbakar adalah kira-kira 3 hektar. Tindakan pemadaman telah dilakukan dan masih diteruskan oleh pihak JPBM.
- (ii) Tindakan pemadaman yang dijalankan hari ini mempunyai kekuatan anggota 35 orang dan tumpuan pemadaman pada hari ini adalah pada tompokan-tompokan (spot) kecil yang terbakar dan masih berasap (**Gambarfoto 1-3 di Lampiran 1**)

## **TINDAKAN-TINDAKAN JABATAN ALAM SEKITAR NEGERI TERENGGANU**

4. **Meningkatkan pemantauan dan penguatkuasaan** terhadap lokasi kawasan yang terlibat bagi memastikan tiada aktiviti pembakaran terbuka dilakukan oleh mana-mana individu seperti yang termaktub di bawah Seksyen 29A, Akta Kualiti Alam Sekeliling 1974 dan Perintah-Perintah Kualiti Alam Sekeliling (Aktiviti Yang Diisytiharkan) (Pembakaran Terbuka) 2003.
  
5. Mengenalpasti individu atau pihak yang bertanggungjawab (pemunya) terhadap kawasan hutan belukar yang terbakar untuk mengambil tindakan yang sewajarnya bagi mengekang daripada kejadian kebakaran ini berulang.

### **PENUTUP**

Adalah dipohon mengambil maklum mengenai hasil siasatan susulan ke atas kejadian kebakaran hutan belukar di Kg. Durian Guling, Marang, Terengganu Darul Iman yang dikesan oleh pasukan penyiasat ketika membuat rondaan pada 21 April 2016.

**Jabatan Alam Sekitar Negeri Terengganu  
23 April 2016**



**GAMBARFOTO 1: SEBAHAGIAN KAWASAN HUTAN BELUKAR YANG TELAH PADAM DI LOKASI KEBAKARAN (DIRAKAM PADA 23/04/2016)**



**GAMBARFOTO 2: SEBAHAGIAN KAWASAN HUTAN BELUKAR YANG MASIH BERASAP DI LOKASI KEBAKARAN (DIRAKAM PADA 23/04/2016)**



**GAMBARFOTO 3: SEBAHAGIAN KAWASAN HUTAN BELUKAR YANG TELAH PADAM DI LOKASI KEBAKARAN (DIRAKAM PADA 23/04/2016)**